

Javna ustanova Opća bolnica
„Prim. dr. Abdulah Nakaš“
Upravni odbor
Broj: 44-1220-288/25
Sarajevo, 08.12.2025. godine

Na osnovu odredbi člana 17. Zakona o javnim nabavkama ("Službeni glasnik BiH" broj: 39/14, 59/22, 50/24), člana 65. Zakona o zdravstvenoj zaštiti („Službene novine Federacije BiH“ br. 46/10 i 75/13), člana 20. stav (2) Statuta Javne ustanove Opća bolnica „Prim. dr. Abdulah Nakaš“ („Službene novine Kantona Sarajevo“, br. 22/14 i 11/19), člana 13. stav (2) Odluke o preuzimanju prava i obaveza osnivača i usklađivanju organizacije i poslovanja Javne ustanove Opća bolnica „Prim. dr. Abdulah Nakaš“ („Službene novine Kantona Sarajevo“, br. 7/12 i 28/18), člana 7. stav (3) Pravilnika o javnim nabavkama roba, usluga i radova u Javnoj ustanovi Opća bolnica „Prim. dr. Abdulah Nakaš“ broj 44-870-116/23 od 11.05.2023. godine i 44-450-129/24 od 05.08.2024. godine, člana 40. stav (1) Poslovnika o radu Upravnog odbora broj 44-1220-279/25 od 27.11.2025. godine, Upravni odbor na 2. redovnoj sjednici održanoj dana 27.11.2025. godine donio je

O D L U K U

o III Izmjenama i dopunama Plana nabavki Javne ustanove Opća bolnica „Prim. dr. Abdulah Nakaš“ za 2025. godinu

Član 1.

Ovom odlukom utvrđuju se III Izmjene i dopune Plana nabavki Javne ustanove Opća bolnica „Prim. dr. Abdulah Nakaš“ za 2025. godinu.

Član 2.

Odlukom o usvajanju Plana nabavki Javne ustanove Opća bolnica „Prim. dr. Abdulah Nakaš“ za 2025. godinu broj 44-1220-21/25 od 13.02.2025. godine, Upravni odbor Javne ustanove Opća bolnica „Prim. dr. Abdulah Nakaš“ usvojio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu, broj 44-1220-27/25 od 14.02.2025. godine.

Član 3.

Sastavni dio ove Odluke su III Izmjene i dopune Plana nabavki za 2025. godinu Javne ustanove Opća bolnica „Prim. dr. Abdulah Nakaš“ koji sadrži podatke o predmetu nabavke, jedinstvenom riječniku javne nabavke, procijenjenoj vrijednosti nabavke, ekonomski kod, izvoru finansiranja, vrsti postupka nabavke, podjeli na lotove, vrsti ugovora, da li će biti zaključen ugovor o javnoj nabavci ili okvirni sporazum, okvirnom vremenu pokretanja postupka, okvirnom vremenu zaključenja ugovora ili okvirnog sporazuma, predviđenom trajanju ugovora ili okvirnog sporazuma, te podatak na koju godinu se plan odnosi.

Član 4.

Ova Odluka stupa na snagu danom donošenja a ista će, zajedno sa III Izmjenama i dopunama Plana nabavki za 2025. godinu, biti objavljena na Portalu javnih nabavki i na internet stranici Javne ustanove Opća bolnica „Prim. dr. Abdulah Nakaš“ (www.obs.ba).

O b r a z l o ž e n j e

Odlukom o usvajanju Plana nabavki Javne ustanove Opća bolnica „Prim. dr. Abdulah Nakaš“ za 2025. godinu broj 44-1220-21/25 od 13.02.2025. godine, Upravni odbor Javne ustanove Opća bolnica „Prim. dr. Abdulah Nakaš“ usvojio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu, broj 44-1220-27/25 od 14.02.2025. godine.

Tokom realizacije Plana nabavki javile su se potrebe Javne ustanove Opća bolnica „Prim. dr. Abdulah Nakaš“ za nabavkom roba i usluga koje nisu planirane u osnovnom Planu nabavki, te je došlo i do izmjena pojedinih stavki osnovnog Plana nabavki. Shodno prednjem utvrđena je III Izmjena i dopuna Plana nabavki Javne ustanove Opća bolnica „Prim. dr. Abdulah Nakaš“ za 2025. godinu.

Naime, radi se o sljedećem:

ROBE

Stavka 1. Reagensi i potrošni materijal za patološku dijagnostiku

– Dodaje se stavka u iznosu od 123.620,00 KM u skladu sa iskazanim potrebama za nabavkom reagenasa i potrošnog materijala za patološku dijagnostiku, obzirom da se radi o lotovima za koje u prošloj godini nismo zaključili ugovore jer nije bilo dostavljenih ponuda.

Nabavka će biti provedena putem otvorenog postupka.

Stavka 2. Enteralna prehrana

– Dodaje se stavka u iznosu od 55.000,00 KM u skladu sa iskazanim potrebama za pacijente na Odjeljenju za anesteziju..

Nabavka će biti provedena putem otvorenog postupka.

Stavka 3. Fiskalni uređaj

– Dodaje se stavka u iznosu od 1.270,00 KM u skladu sa iskazanim potrebama za nabavkom fiskalnog uređaja za potrebe Odjeljenja za ekonomsko - finansijske poslove..

Nabavka će biti provedena putem direktnog sporazuma.

Stavka 4. Inox stolovi za cistoskopiju

– Dodaje se stavka u iznosu od 8.000,00 KM radi opremanja cistoskopije koja je tek renovirana.

Nabavka će biti provedena putem konkurentskog zahtjeva za dostavu ponuda.

Stavka 5. Lijekovi iz raznih grupa po ATC klasifikaciji L-6-2025

– Dodaje se stavka u iznosu od 655.000,00 KM za nabavku lijekova iz raznih grupa za potrebe Bolnice.

Nabavka će biti provedena putem otvorenog postupka.

Stavka 6. Laserski sistem za HoLep i litotripsiju za potrebe Odsjeka za urologiju

– Izmjena stavke 240. iz Plana nabavki za 2025. godinu, na način da se mijenja naziv predmeta nabavke i okvirni datum pokretanja postupka nabavke, zbog tehničke greške u nazivu nabavke.

Nabavka će biti provedena putem otvorenog postupka.

Stavka 7. Monitor za praćenje pacijenata

– Izmjena stavke 190. iz Plana nabavki za 2025. godinu, na način da se mijenja podjela na lotove (nabavka se ne dijeli na lotove), procijenjena vrijednost nabavke (prethodno je Planom odobreno 128.000,00 KM) i okvirni datum pokretanja postupka nabavke, iz razloga što je krajnji korisnik iskazao potrebu za nabavkom jednog monitora, umjesto prethodno planiranih više.

Nabavka će biti provedena putem otvorenog postupka.

USLUGE

Stavka 8. Obrazovne usluge i usluge stručnog usavršavanja

– Dopunjava se stavka 284. Plana nabavki za 2025. godinu u skladu sa odredbom člana 87. stav (3) ZJN - povećava se vrijednost za direktni sporazum do 10.000,00 KM, obzirom da se radi o istovrsnoj nabavci, a da su finansijska sredstva potrošena.

Nabavka će biti provedena putem direktnog sporazuma.

Stavka 9. Oglasi za posao, konkursi, zakup, poništenja, osmrtnice i dr.

– Dopunjava se stavka 288. Plana nabavki za 2025. godinu u skladu sa odredbom člana 87. stav (3) ZJN - povećava se vrijednost za direktni sporazum do 10.000,00 KM, obzirom da se radi o istovrsnoj nabavci, a da su finansijska sredstva potrošena.

Nabavka će biti provedena putem direktnog sporazuma.

Stavka 10. Atestiranje boca medicinskog kisika

– Dodaje se stavka u iznosu od 5.755,00 KM u skladu sa iskazanim potrebama za atestiranje boca medicinskog kisika u vlasništvu Bolnice.

Nabavka će biti provedena putem direktnog sporazuma.

Stavka 11. Održavanje medicinske opreme proizvođača GETINGE/2

– Dodaje se stavka u iznosu od 168.564,00 KM za nabavku usluga održavanja medicinske opreme. Napomena: Planom nabavki za 2025. godinu, stavkom 340. su odobrena finansijska sredstva u iznosu od 300.000,00 KM za nabavku usluga održavanja medicinske opreme proizvođača GETINGE. Nakon provedenog postupka nabavke, izabran je jedini ponuđač koji je dostavio ponudu za ukupan iznos od 131.435,60 KM bez PDV-a. Obzirom da su skoro potrošena finansijska sredstva po zaključenom Okvirnom sporazumu i pojedinačnim ugovorima, a da su preostala ranije odobrena sredstva, dodaje se ova stavka.

Nabavka će biti provedena putem otvorenog postupka.

Stavka 12. Održavanje bolničkih liftova/2

– Dodaje se stavka u iznosu od 50.475,00 KM za nabavku usluga održavanja bolničkih liftova. Napomena: II izmjenama i dopunama Plana nabavki za 2025. godinu, stavkom 9. su odobrena finansijska sredstva u iznosu od 80.000,00 KM za nabavku usluga održavanja bolničkih liftova. Nakon provedenog postupka nabavke, izabran je ponuđač koji je na E-aukciji spustio cijenu svoje ponude na 29.525,00 KM. Obzirom da su skoro potrošena finansijska sredstva po zaključenom Okvirnom sporazumu i pojedinačnim ugovorima, a da su preostala ranije odobrena sredstva, dodaje se ova stavka.

Nabavka će biti provedena putem otvorenog postupka.

Stavka 13. Servis nove opreme u vešeraju i kuhinji/2

– Dodaje se stavka u iznosu od 27.700,00 KM za nabavku usluga servisa nove opreme u vešeraju i kuhinji. Napomena: Planom nabavki za 2025. godinu, stavkom 426. su odobrena finansijska sredstva u iznosu od 30.000,00 KM za nabavku usluga servisa nove opreme u vešeraju i kuhinji. Nakon provedenog postupka nabavke, izabran je ponuđač koji je na E-aukciji spustio cijenu svoje ponude na 2.300,00 KM. Obzirom da su skoro potrošena finansijska sredstva po zaključenom Okvirnom sporazumu i pojedinačnim ugovorima, a da su preostala ranije odobrena sredstva, dodaje se ova stavka.

Nabavka će biti provedena putem konkurentskog zahtjeva za dostavu ponuda.

RADOVI

Stavka 14. Sanacija podova i ravnih krovova

– Izmjena stavke 463. iz Plana nabavki za 2025. godinu, na način da se mijenja procijenjena vrijednost nabavke i okvirni datum pokretanja postupka nabavke. U Planu nabavki procijenjena vrijednost je iznosila 153.223,30 KM, te je u skladu sa obavještenjem od strane Ministarstva zdravstva Kantona Sarajevo u kojem su nas obavijestili da za ovu namjenu imamo više raspoloživih sredstva, ista povećana. (Donacija je ukupno 199.650,04 KM sa PDV-om).

Nabavka će biti provedena putem otvorenog postupka.


Gore navedene izmjene su izvršene u skladu sa Zakonom o javnim nabavkama („Službeni glasnik BiH“ broj 39/14, 59/22 i 50/24), kao i podzakonskim aktima.

Imajući u vidu sve naprijed navedeno odlučeno je kao u članu 1. ove Odluke.

Pripremila:

Aldijana Ećo Ajkunić, BA prava

Šef Odsjeka za javne nabavke



**Predsjednik Upravnog odbora
Azra Ivazović, dipl.iur.**



DOSTAVITI:

- Upravni odbor
- Kabinet direktora
- Odjeljenje za ekonomsko-finansijske poslove
- ☉ Odsjek za javne nabavke